

四庫全書

集部

欽定四庫全書

集部
鳴盛集卷三

詳校官原吉士臣李傳熊

中書臣劉源溥復勛

總校官原吉士臣倉聖脉

校對官中書臣葉莢

職錄監生臣任鑑

欽定四庫全書

鳴盛集卷三

明 林鴻 撰

七言古體

雪蓬散人草書歌

雪蓬散人有嫻商翰墨遊心與神契摹臨秘帖追晉風
揮洒雄文明古制筆門鉄限人爭求荒郊瘞筆應成丘
嫵媚雲霞晴寢能傾斜風雨寒颼颼伊予與君共鄉縣
結交自昔忘貧賤衡石拓落膽氣豪江樓野寺書題遍

借問君書初若何君言妙悟應聞歌諧音本自車振鐸
渙汗有類風行波迺知至理無不寓要在高人會其趣
古來入室唯逸少後者升堂有懷素當代如君誠亦稀
莫嘆蹉跎一布衣有錢沽酒與君飲醉卧目送孤鴻飛

寄王六校文兼似吳二太守

京師三月春雪飛雪後餘寒添着衣曹官祿薄酒苦貴
一飲百錢恒不醉忽然停盃憶鄉里美髯校文最知己
作詩斷不讓高岑醉後狂吟狂欲死有時忽得意竟上

金雞山彈琴酌酒送飛鳥心比白雲閒更閒虎頭岩前
柳拖地龍池溪上花滿灣醉歸騎得將軍馬城上烏棲
門未闕白頭太守別來久別後還能相憶否詞賦終為
紙上塵功名不及盃中酒芭蕉葉長近何如前月人來
不寄書莫言閩海少飛鴈何事秦淮多鯉魚

寄蔡殷

少年所性尚遊俠夜讀古書朝射獵相逢然諾重千金
性命由來輕一葉自言獲落長如此豈謂年光若流水

當時意氣何足論今日為儒人共鄙以茲俯仰向時流
窮居古巷仍百憂拘鈐禮法坐桎梏鞭撻童稚生仇讎
浮雲世態我何有寧甘落魄耽盃酒閑子長懷汶上田
桓公謾賦湘潭柳日夕長吟思故山樊籠尚掩冲霄翰
知君懷抱亦如此一為君歌行路難

贈浮丘生

浮丘生能遠遊不學羽客棲丹丘挑簦荷笠來滄洲我
昔冥棲向溟渤攜書共讀東山月舊遊冠蓋半凋零見

子翻令心內熱羨子有遠志放形天地間扁舟濯足望
雲海短策振衣登雪山太行北上連鴈門燕臺鄴宮無
復存國士由來死知己令人感激思平原諸侯門深少
知遇回轅又復歸南楚醉裏行吟七澤秋燈前卧聽三
湘雨吾知浮丘心迹奇世人悠悠那得知草書古篆更
神妙擊劍彈碁無不為嚴冬別我寒蕭索尊酒都門為
君酌車輪遥遥忽不見唯見千山雪花落

送林子山之閩中覲親

釣鱸橋頭流水香冬青花開榕葉涼
壚頭酌酒送行客
醉後狂吟成短章世人懷別多慘愴
念君此行何坦蕩
云是嚴君在武威十年着盡遠遊衣
鴻鴈絨中空寄遠
魚龍川上苦思歸以茲出門心草草
拂衣便向長安道
古戍飛霜馬色寒重關曙月雞聲早
自古秦川亦壯哉
三峰華岳掌中開溫泉綠樹朧朧見
渭水黃河曲曲來
邊庭相見悲復喜白髮依依問鄉里
九月孤裘尚覺寒
千鍾黍酒難成醉聞道東還未有期
隴頭好寄折梅詩

翻思人世皆為客何必臨歧是別離

贈曾銅

二十讀書通大義三十結交江海士不學囊中一豎儒
寧為世上奇男子同遊冠蓋多如雲佩章綰綬何紛紛
東序詩書崇四術汝南節義宗三君問君拂衣何太早
知君有親今已老鄉夢不離青浦雲歸心只在方山道
城南柳花吹客衣車駝祖餞生光輝共傾濁酒江上別
獨攜明月山中歸歸來鄉井宛如昨耕石飲泉貧亦樂

閉戶從教水鳥啼垂帷不省山花落
達節非閑學隱淪
至人舒卷道為鄰君看古來霄漢上
多是尋常畎畝人

賦得獨樹邊淮送人之京

君不見秦淮水流東到海淮邊獨樹如車蓋
九月微霜赤葉乾枯枝颯颯鳴天籟
枝上啼鴉散曙烟枝頭殘照咽寒蟬
離人留飲停車騎俠客相逢挂馬鞭
南國高僧從此去駐錫雨花臺
下路一飯淮邊洗鉢時六時宴坐
祇園樹野鶴孤雲任去還
禪心不道別離難山中亦有

長松樹待爾青青共歲寒

張子紘畫梅歌

人間百卉競春暉，獨有梅花窮晚節。
嚴冬雪霰白皚皚，此花凌寒今始開。
繁英澹蕊乍踈密，群仙佩玉紛瑤臺。
最憐橫月出修竹，不分隨風委綠苔。
三星處士乘槎客，毫素天機寫生色。
興來揮洒與時人，貴宦持錢求不得。
千枝萬朶宮苑腴，枯梢冷萼山澤癯。
風流閒雅韻自別，照水橫厓體總殊。
妙墨移來茅屋裏，半幅溪藤露春意。

入戶幽禽訝影斜開門野衲疑香至古來畫者亦紛紛
今日閩南獨數君不用雪窻花滿樹對茲亦可玩義墳

懷李郁

李君本是清狂者十載畋漁向原野梅生豈厭官位卑
閔子由來宦清寡自言薄落可終身誰知尺組能縻人
朋遊失路各分散妻孥寄食家仍貧荒涼廨宇炎江表
椎髻山氓語如鳥地隔三苗洞穴多天連五嶺人烟少
三年無書增我憂憶君翻令懷舊遊開元寺裏猿鳥暮

洞天岩前木葉秋襟期相遇每如此魂夢悠悠共千里
白髮關山自月明青山茅屋空流水八月江南鴻鴈飛
天邊誰寄早秋詩不如飲酒且安命振翼雲霄尚未遲

過高逸人別墅

識子何不早見子即傾倒世人意氣不相合顏色雖同
心草草子有園林東海濱香名滿耳人共聞梁鴻避世
身不仕孔融愛客家常貧茲晨飲客青山墅新壓葡萄
酒如乳綠樹穿窻烏當歌紅條拂地花能舞醉來興逸

無不為投壺擊劍仍彈碁人生得意有如此世上悠悠
那得知

月夜聞李生彈箏歌

越客本浩蕩秦箏何激揚浮亭子夜月色古一曲萬籟
鳴清商初聞楚調聲激烈志士報讎思飲血再聞宮音
如扣鐘魯生揖讓何雍容清和變調有如此俠客聞之
心欲死銀甲彈來更嫣然金魚脫却渾輕爾吾聞錦瑟
五十絃湘靈夜鼓聲淒然遂令帝子剖其半遺音尚有

秦人傳秦音楚調聲雖異今古由來同一致燕市誰知
擊筑心吳門孰識吹簫意今夜聞君鼓曲聲百盃不醉
壯心橫衆賓枕籍秋衾冷獨倚高梧看月明

春夜玄默處士燕集得滿字

三月六日天微和博士水亭乘醉過主人解衣即沽酒
外史扣壺能嘯歌歌殘夜久星移換新月蒼蒼捲羅幔
萬事空嗟白髮新一壺共對清尊滿子有園林東海尋
十載校書甘陸沈平生獨抱飲水節有時或賦還山吟

高齋宴坐探玄默時輩狂馳交不得自分綈袍比草青
直將富貴輕雲白予本南宮淡蕩人與君交誼最相親
相逢且盡盃中物遙憶風流席上珍

為廣上人賦歸雲山房

道山老禪七十餘閉門不出祇園居心將明月同清淨
跡比閒雲能卷舒蕭散浮雲閒更閒因風也或到人間
晴教海上千峰出暝與天邊一鶴還歸雲寂寂山房暝
明月蒼蒼僧入定禪心無着雲無蹤一塵不染諸緣空

山中有僧人不聞世上流俗徒紛紛願為松下小童子
閒與高僧掃白雲

送林汝學之雷州省伯

四月閩南梅雨涼
荔枝花開滿樹香
青門酌酒送行客
極浦揚帆辭故鄉
君家從父從戎久
海外書回驚白首
離筵正值落花初
客路仍逢歸鴈後
知君所重在連枝
觸熱投荒應不辭
少年意氣有如此
世上悠悠那得知
雷陽咫尺滄溟近
戍卒相逢問鄉信
蛟室風來白浪腥

龍淵日落青天盡嗟予有姪亦離居萬里炎荒久荷受
天涯亭上應相見為報平安尺素書

經綺岫故宮

行人曉飯青山裏驅馬蒼茫經洛水昔聞綺岫盛繁華
不謂荒涼今若此憶昔行宮初構時梯岩駕壑相逶迤
美人桂殿夜看月公子柘弓朝射麋翠華一去金門鎖
露殿飛螢山葉隨往事吹殘牧笛風危基半入樵人火
今古消沈能幾回春風依舊野花開君王巡狩不復見

禾黍空山鳥雀哀

送王孝廉之京

神如玉壺初薦冰氣如太阿新發硎
羨君早年即登第許君壯節終成名
十年濩落棲衡宇斂翅迴翔待高翥
知己文章舉孝廉治安有策干明主
以茲擲筆翻然起祖道車驂若流水
客路鄉情兩地分征帆落葉共紛紛
君登要路天門去我向秋山卧白雲

賦得無諸城送浦舍人源歸晉陵

君不見昔時無諸城荒丘斷隴今人耕
陵谷湮沈知幾代古人精靈竟何在
憶昔無諸全盛時都城百雉何逶迤
連營國步分秦土繪袞王章入漢儀
山河巍巍那可恃躍馬屠龍今已矣
列國猶傳赤帝封曲臺尚對滄江水
滄江水流去不還故宮落日不堪看
寶衣夜化空陵火弓劒秋懸古殿寒
故人西歸從此去策馬秋蕪城下路
欲將陳迹問行人落葉紛紛不知處

賦得芭蕉雨

野人獨宿祇樹林
大千飛雨秋陰陰
懸燈照影不成寐
颯颯蕭蕭窗外音
初焉洶湧海濤急
又若飛泉瀉蒼壁
雲山夜靜木客吟
水鄉秋冷鮫人泣
宮非宮霜天氣肅
鳴豐鐘商非商
秋風落葉隨飛揚
角非角簌簌江城古
梅落徵音羽音是
耶非嘈嘈切切鳴
天機碎若珠璣落
寒玉清如素指調
金徽寒予平素耽
禪說欲悟音聞猶
未徹由來大聽本
希聲不信雷轟平
地裂今夕微吟挂

月樓明朝騎馬粵王州聲殘響絕無所見惟見芭蕉一
葉秋

送秦山人歸天台

天台山人薜蘿衣別予東將海上歸心如月塞征鴻遠
興逐秋城落葉飛人間萬事歸來好脫屣侯門迹如掃
樓外孤霞映赤城窻前片月生滄島飛佩須過鴈蕩峰
繫舟先聽若耶鐘丹光夜繞三珠樹鶴影秋歸五粒松
執手河橋酒半醒小山別後桂青青願祈海上烟霞秘

長保塵中犬馬齡

鍾上送僧歸衡山

上人孤閒似雲鶴十五出家住衡岳
說法能超最上禪
持心不受群疑縛世上誰知來去蹤
南窺太華北遊嵩
衲經鴈蕩千峰雪
定入峨眉半夜鐘
于今戒牒青松古
猶泛慈航到東土
楊柳瓶中九曲雲
筍皮笠上三山雨
昨夜歸心繞楚天
西風杖錫又茫然
化龍潭畔清秋別
回鴈峰頭舊日禪

林七欽山莊

此君家住浯水西
喬林夾道緣青溪
人淳上古大庭世
客到武陵花處迷
深盃盡日見山色
高枕四時聞鳥啼
籬根稚筍看成竹
階下飛花踏作泥
梓柳折來環藥圃
野泉引得灌蔬畦
人間鐘鼎口不道
雨裏田園手自犁
已沾雞黍遂然諾
豫愁冠蓋將離睽
明日却從城市去
林間相送草萋萋

巫峽啼猿歌送丘少府歸四明

巫山巫峽連三巴猿啼三聲客思家停舟聽之聲未了
却過青枝猶裊裊野人乍來錦官城清秋滿峽啼猿聲
黃牛灘上怨楓落白帝祠前哀月明商聲清冽羽聲亂
倏忽東崖復西澗久客聞之淚欲乾壯夫聽此魂亦斷
故人歸卧越山雲憶得啼猿歌送君扁舟獨宿剡溪夜
叫月三聲誰共聞

初秋送友人之治城賦得把字

行人飲馬秋城下魯酒千鍾為君把離亭正值鴈驚寒

金匱要略卷三
三
候館仍逢雨侵夜嗟予十年恒壯遊登高弔遠無所憂
襟期脫略向知己生事蕭條隨野鷗南宮作吏歸來久
富貴浮雲我何有三品寧論小隱資百壺且醉平生酒
露島烟汀出水漬風帆桂權坐離分題詩為寄漁樵友
惜別還看鴻鴈群

寄陳八參軍

曉書融水陽青山影裏開茅堂結交由來重意義
使爾可輕侯王誰言一旦風塵起故里蕭條半荆杞

立身自許致功名報國誰能論生死爾時正值烟塵昏
手攜俘首懸轅門春風走馬綠楊道落日臂鷹秋草原
功成期將書幕府當路忌才棄如土部曲營殘殺氣消
關山夢醒秋聲苦比來為儒逢太清石田蕪沒荒春耕
當時冠蓋半丘土此日交情結弟兄交遊惟君年最高
每以連枝勗我曹天邊落日見孤鴈海上秋風吹二毛
劒水無情入海流憑將靈淚到炎州願為鄉曲牧童子
與子高歌同飯牛

贈商生

與子交遊最年少，羨子襟期可同調。
醉墨能噓海上雲，春筵會拂花間鳥。
壯遊海內早知名，每以才華動九卿。
丹穴殊看鳳毛貴，方諸遠在冰壺清。
伊予十年歸未得，貧賤由來愛賓客。
雖乏床頭沽酒錢，未嘗一日無顏色。
西鏞城下醉相逢，南國新秋意萬重。
石竹山前滄海月，紫雲洞口夕陽鐘。

義象行

有象有象來天都大江欲渡心趑趄誘之既渡獻天子
拜跪不與衆象俱象奴勸之拜怒鼻觸象奴賜酒不肯
飲哺之亦不哺屹然十日受飢渴俛首垂淚憤且吁天
子命殺之衆官束手莫敢屠侍衛傳宣麾壯士被甲各
執丈二父象戰久不克兵捷象乃殂憶昔君王每巡幸
象當法駕行天衢珊瑚錯落明月珠被服美錦紅氍毹
紫泥函封載玉璽萬樂爭擁群龍趨玉璽歸沙漠龍亦
歸鼎湖所以老象心南來誓死骨為枯嗟爾食祿人空

負七尺軀高高白玉堂赫赫黃金符伊昔軒冕今泥塗
嗟爾食祿人不若飯豆芻象何潔爾何污天子垂衣治
萬世俾金象德行天誅嗚呼象兮古所無嗚呼象兮古
所無

行路難

君不見東鄰翁昔時零落誰與同一朝精金等糞土結
交豪客何其雄兒孫生長羅綺裏舊妻新妾多嬌容黃
金白壁倏已盡門前冷落生秋風寄言世上諸年少朝

更暮改非堪調梁園春草何淒淒猶有行人解相弔

五馬承恩圖

昨夜東風天上來長安淑氣繞蓬萊新鶯苔石千花裏
君王宴樂雲屏開鳳輦晴光耀雲色金羈玉絡皆龍媒
五馬由來群馬亞一方瞳汗溝渚承恩蚤立玉階前
騰驤肯出神駒下朝來紫氣動龍墀變化飛騰那得知
莫言天上風雲起自有房星貫紫微

酬張少府惠山僧茶

南風吹雪柳花飄閨中佳人春夢饒白髮儒生未飽食
夜眠少困卧終朝清河縣官公事簡憐我邇來愈疎懶
手裏山僧石乳茶題寄齋房豁書眼高枕蓬頭絨未開
毛骨颯颯秋風來相如漢賦八千字懸河暗誦聲如雷
山童急走汲井花鐺裏龍涎鳴遠車千日醉魂來斷夢
五陵酒伴識還家為君一啜感君意鳳髓龍脂世空美
碧碗滄洲片片雲金莖漢苑稜稜水朝來散步凌仙山
恍如輕舉碧蘿間九天若到須臾啜何惜神君騎鶴還

滄海雲帆歌送張少府之京

蜀錦為帆發光彩挂向扶桑之碧海海上仙山十二樓
仙人矯首遙相待船頭錦袍黃鶴仙身朝玉皇遊九天
長風吹帆向碧落下視塵世浮青烟我昔登雲向儀曹
釣天廣樂聲嘈嘈夢中折翼下人世悵望雲闕心煩勞
茲晨送君向雲闕春帆直拂濤山雪解纜朝辭北海雲
曳裾曉待金門月渺渺雲帆奈別何珊珊紫陌聽鳴珂
君從雲路騎黃鶴余亦遠山卧碧蘿

題桃花馬

玉墀迴立如龍游金鞍照耀雲錦浮
灞橋浴水落花雨沙苑追風苜蓿秋
圉人盡皆輕駉駉將軍不復事驂騑
請看千里噴汗血蹴踏風雲不肯收

送林敏歸海上

九月大野黃蝶蛸挂空桑城頭立馬見
千里遊子此時歸故鄉將歸滄海雲且
醉冶城月楊柳橋頭酒正香芙蓉館裏
花初發應此使人歸計遲看花酌酒復
聯詩眼

前相遇不傾倒別後相思空復為

春日金陵酒肆別故人

長風起天際旭日明京臺江流作寒泉淑氣開蓬萊登
高恣為樂明滅安在哉千金換酒且痛飲笑言未已將
何之當時年少多白首今日花開非故枝金卮何惜倒
落月明日相思天一涯君不見鍾山龍蟠虎踞雄惟有
江水萬古與之無終窮

君馬黃

君馬黃我馬蒼君馬何蹀躞我馬何昂藏同馳共逐掣
電疾羈金絡玉目流光與君意氣兩相得日日追遊洛
陽陌斗酒千金同倚樓結交萬乘招豪客君與我同心
我與君同好膠漆千年亦不分許君生死期相保寄謝
紛紛世上兒朝歡暮改何堪道

題瀛洲雲詩卷

徒知夸父渴不竭海中水縱使愚公在莫平海外山山
平海竭目不見層陰萬里何漫漫昨夜長風天際來八

表滌蕩陽春回憑高縱目始快意萬物於我何有哉三
山照耀冰壺開旭日正射金銀臺長雲飄空弱水黑瀛
洲特聳青螺色鸞笙鳳管鳴九霄仙人笑待桃花陌羨
君輕舉不可攀但卧白石青蘿間相思不惜寫心素早
寄雲邊孤鶴還

七言近體

春日遊東苑應制

長樂鐘鳴玉殿開千官步輦出蓬萊已教旭日催龍馭

更借春流泛羽盃
堤柳欲眠鶯喚起
宮花乍落鳥銜來
宸遊好把簫韶奏
京國于今有鳳臺

春日陪車駕幸蔣山應制

四首

鍾山月曉曙蒼蒼
鳳輦乘春到上方
馴鳥不隨天仗散
曇花故落御衣香
珠林霽雪明山殿
玉澗飛泉近苑牆
自媿才非枚乘匹
也陪巡幸沐恩光

其二

鏡鼓鸞輿出曙烟
翠華玉節上方連
諸天日月環龍袞

九域山河拱象筵
香擁寶城熏瑞氣
泉當玉几送清絃
宸遊暫此開春澤
豈作金輪浪學禪

其三

寶域今春降至尊
玉毫此日照乾坤
池開八水臨天象
地接三台拱帝垣
紫氣盡團空外蓋
風光遍動鏡中旂
九垓此際無餘壤
喜見京城雨露恩

其四

笳鼓雲中動帝京
六龍移處彩雲輕
三天日色臨仙仗

八水波光接帝城，寶域旂搖銀燭影。
香山泉送玉絃聲，侍臣此際承恩澤。
願述歌章頌治平。

早朝

紫禁初開月欲低，千官待漏午門西。
玉階柳色侵朱閣，寶帳香車過御堤。
仙仗日臨花氣動，鵷班風急佩聲齊。
天顏有喜朝回晚，散步花邊路欲迷。

寄右講經春日早朝

二首

王氣匆匆曙色開，鐘聲隱隱九天來。
鍾山半壓金鰲上，

淮水新從玉澗迴花擁千官瞻袞冕雪消三殿隔蓬萊
小臣曾奏中和曲散作陽春遍九垓

其二

奉天宮殿五雲間舊是春官侍早班大禮慶成嚴鷺序
長楊賦奏覲龍顏風光漸報三眠柳佳氣長浮萬歲山
身落江湖心魏闕夢魂猶逐曉鐘還

金門待漏送別二首

遲遲曉箭促銅龍紫陌雞鳴夜欲終傍院梧桐蟾影沒

拂墻楊柳露華濃
暗聞玉佩千官集
仰觀天顏萬國同
朝罷歸來晴旭上
都門送別意匆匆

其二

鷄人唱徹漏聲殘
紫禁齊聯玉笋班
日射旌旗光粲粲
風搖環珮響珊珊
幾經月落趨朝去
曾惹天香滿袖還
今日京華送君別
蟾宮應待共躋攀

和張考功春日早朝遇雪

今年春早覺春寒
紫禁朝回雪未乾
太液月低銀兔濕

蓬萊天近玉龍蟠吳鹽色瑩差堪擬郢曲才高欲和難
最喜風光先報柳漸舒晴翠拂闌干

雪夜張尚書籌招飲以事不赴

南宮瀑直雪晴時凍雀無聲隱竹埤
賞酒暫同寒夜飲
盍簪深負故人期雲垂絳闕知天近
月浸霜簾覺曙遲
除却安禪與招隱此身此外欲何為

送黃贊禮往南閩監祭

漢家天子重明禋奉禮傳宣肅遠臣
百粵山川通王氣

二儀雷雨應陽春
朱絃玉管風回律
鉅龜包茹夜降神
此去建溪桃浪暖
中流遙見錦衣新

題中天樓觀圖

海上仙山接混茫
仙居遠在白雲鄉
樓當太乙星辰近
樹拂勾陳雨露香
絳節馭風來阿母
玉簫吹月醉周王
可憐八駿歸來晚
蕭颯蛾眉兩鬢霜

采石磯

斷磯漂渺駕危亭
欄檻孤高見杳冥
牛渚波濤通海白

深防烟樹入淮青
騎鯨夜憶遊仙月
泛鷁春浮奉使星
萬古憑高一回首
玉壺清酒莫教醒

呈浦舍人源

無諸臺下乍秋風
客舍逢君興不窮
性僻共耽詩句險
愁多却仗酒杯空
平蕪一騎經吳苑
積雨孤舟夢晉宮
明日又從江上別
曲闌愁倚送飛鴻

浮亭夜坐懷黃玄之

浮亭孤坐夜燈紅
一倍離憂百感同
春草綠波頻賦別

流年青鏡暗驚蓬也知纓冕皆身外久憶心知向酒中
此意謾勞題尺牘都門雪後有歸鴻

送高書記之邊

青袍書記去翩翩紫塞從戎不記年磧裏倚弓看漢月
雪中走馬入冰天烏孫部落通烟火勅勒沙場乏水泉
聞道安西無戰鬪時時醉向酒家眠

春日寶峰蘭若游集得房字

化城鐘動曙蒼蒼野服乘春到上方一犬卧園芳草暖

亂禽啼樹石楠香珠林對酒朋
簪盞寶地看花色相忘
欲向寰中除苦惱無過依止贊公房

遊秦川龜湖寺

風動松門野殿荒老僧相見謾焚香
身隨斷梗棲卑邑
跡比閒雲到上方
葉落空林行處滿
心超諸品坐來忘
清冷久別烟霞侶
想是青苔長石床

寄高逸人

君家別墅抗浮塵
曾共浮丘醉度春
花落更聞啼寺鳥

柳深或見渡江人生涯不定如蓬斷會晤無期望月頻
明日扁舟東海去幽居欲與孟家鄰

送人入蜀

把酒長歌蜀道行高堂千里見君情微霜半落青楓樹
曙月平臨白帝城挂席不離江鴈影沾衣多向峽猿聲
錦城莫道無知己何限居人識馬卿

李將軍席上賦清遠樓

城上危樓駕遠空闌干長凭五雲紅檐帷曉駐山河影

鼓角秋悲草木風，列宿南垂珠斗近。
衆流東去劔川雄，于今百粵無傳警。
好把金尊送落鴻。

閩關春晚圖送司倉之京

江上離筵惜解攜，閩關北上亂山迷。
花深野戍嘶疲馬，月隱關牆聽曙雞。
劔佩朝天雙闕迥，家林近日片雲低。
京華故舊如相問，白鴈音書醉懶題。

秋江別思圖

無諸城下送行舟，滿座詩人賦遠遊。
歸夢不離秦苑夕，

客程多在越鄉秋江楓葉落填沙岸塞鴈聲寒到驛樓
會見使君簪冕貴未應華髮老滄洲

初出同黃少府宿采石

南宮拜疏許歸休蘆荻滄江晚繫舟
買酒暫同牛渚咏
曳裾無復鳳臺遊海門白湧潮頭急
烟島紅拖雨脚收
不用臨流濯纓袂此心從此不驚鷗

新秋浮亭夜集

海國新涼一鴈來衣冠高會壯懷開
浮亭夜月樽前滿

古樹秋聲笛裏哀
白髮朋遊嗟落魄
青山故業怨低摧
燈殘酒醒還成別
刻漏應愁曉箭催

九日登絳月蘭若憶鄭二宣

微霜初下越王城
衰病逢秋也自輕
九日登臨多縱醉
百年感慨獨鍾情
斷蟬野寺黃花晚
遠樹江天白鴈晴
却憶浮丘炎海上
懶題詩句寄同聲

寄高逸人

獨倚城南百尺闌
粵鄉秋思浩漫漫
平臺樹色催殘照

金史曰入合言
卷三
近郭砧聲報早寒雲物正當搖落後關河終念別離難
龍門別墅今宵月誰與相同把酒看

送楊孝廉之京

刺桐花發荔初垂海國逢君話別離日下共傳優對策
天邊相送醉題詩石城古樹秋風早淮水孤帆夕鳥遲
君有長才如賈誼追趨好向鳳凰池

浮亭風雨夜集憶鄭二宣

天涯此別意何窮一片愁心萬里同明鏡曉霜驚白髮

浮亭秋雨夢青楓書回絕島孤帆遠門掩寒塘舊業空
說着登臨多感慨一緘封淚寄南鴻

過東林雙磎有懷舊遊

曾於此地盍朋簪歲晏重來百感深門掩薄寒初暝雪
樹含輕靄欲棲禽滄波涉海驚魂夢白髮看山倦嘯吟
聞說遠公能館我便投章甫卧東林

冬夜與高五秀才館林八員外宅

遠別悠悠歎二難多君留飲故情歡生涯祇合尊前醉

功業無勞鏡裏看
落葉走階風動晚
古梅臨水月侵寒
何因得似龍門叟
野艇終身一釣竿

與陳八參軍夜飲話舊

鄉園別後隔烽烟
此夕論交意惘然
鴈引歸心離海國
孟銜好月醉霜天
謀生自愧青雲後
話舊多驚白髮前
明日豫愁分手去
憑君慷慨看龍泉

寄周一秀才立兼呈陳八處士炫

薛老峰前夜詠詩
若為離別思淒其
忝於詞客推前輩

久約林僧恐後期澤國未霜楓落早山城上月鳥歸遲
自慚淺薄非徐穉賴有陳蕃是故知

海口道上有述懷鄭二宣

露下菰蒲有鴈聲曉驂初發宿寒輕新知乍別孤吟倦
舊國重來百感生黃葉閉門逢野寺白波侵郭見江城
家林暫別堪惆悵翻憶浮丘海上行

將歸冶城留別陳八炫林六敏

南宮歸後歲蹉跎此日逢君奈別何野館解鞍行客飯

寒山對酒故人歌
蒹葭水國孤鴻度
橘柚霜林足馬過
為報已無軒冕夢
清泠臺下卧烟蘿

與黃一秀才輩雨夜浮亭集宴憶鄭二宣

香爇燈殘意萬重
與君共憶遠遊蹤
尺書不到驚春鴈
樽酒相逢話夜鐘
風動櫟枝翻暗鵲
雨深莎井響鳴蛩
自慚淺薄誰招隱
尚掩丘樊學卧龍

陳八參軍

露飲梅天雪霽時
不堪南望思淒其
五勞有病仍耽酒

七步何才敢咏詩岐路分攜愁落葉家林歡會憶連枝
自慚放逐歸來晚那得鳴鑣到鳳池

憶龍門高逸人

浮亭露飲玉樽空千里心期此夕同海路想經春草綠
越吟愁對夜燈紅他山花發鶯啼後別墅春歸積雨中
聖代祇今無隱逸不應多病卧孤蓬

寄林一和

雨館張燈坐夜深故人相對醉成吟二毛易老慚看鏡

四美難并愧盍簪澤國曉霜催候鴈縣城春樹變鳴禽
賈生尚有長沙謫此日無勞歎陸沈

送趙生之京

青門樹色引鳴騶一曲驪歌送遠遊慷慨自知非怨別
關河終念對窮愁雲邊夜犬鳴沙驛海上寒山出郡樓
到日都門春水綠珊珊飛珮上瀛洲

憶鄭二宣時往交州

旬日陰霖結不開窮居幽草亂侵階也知白髮綠愁長

無那青山與願乖
行阻看花攜濁酒
卧聞啼鳥閉虛齋
比來況與浮丘別
一望南天一愴懷

畢公房

躋閣攀岩入化城
薜蘿高卧寄閒情
孤窻上月分燈影
亂葉隨風襍磬聲
麋鹿自知諧野性
簪珥何用絆虛名
真僧出世心無事
戒得冰壺徹底清

謫居寄冶城同志

遠別悠悠泣路岐
丹心雖在鬢毛衰
阮籍猖狂緣世難

叔牙感慨為心知春城久判花前醉野館無由雪後期
自愧不如閒草木也承雨露沐恩私

宋中送魏萬之安西

梁苑微霜梨葉紅行人此日發關東酒邊怨別看長劍
馬上驚心見斷蓬雲散岳蓮開秦華月寒郊樹隱新豐
窮秋亦有臨邊使待爾題詩寄塞鴻

送浦大歸晉陵分得衣字

離亭征騎曉駢駢正直關河朔鴈飛白髮相看閩海別

青山遙送晉陵歸江城雨外蓮峰出野寺霜前柿葉稀
自愧忘情非上知臨歧唯有一沾衣

寄高八逸人

離亭高唱久難酬明月心期戀舊遊泛臘酒香頻中聖
流年花發總關愁山園浥露寒梨熟水國迎霜晚稻收
自愧湮沈向城市閒情惟有一登樓

送宮人入道

二首

溫泉宮裏洗鉛華共訝君恩許出家阿監別時留佩玦

道流迎處指烟霞乍拋月殿吹簫譜學煉星壇伏火砂
幾度春風緱嶺上步虛閒遶碧桃花

其二

大家有旨許求仙便着霓衣下九天碧落早知騎鶴路
青春悔度種花年已教水月澄心鏡無復香雲綰鬢蟬
昨日麻姑來問信又言滄海變成田

挽紅橋

柔腸百結淚懸河瘞玉埋香可奈何明月也知留珮玦

曉峰長想畫青蛾仙魂已逐梨園夢人世空傳薤露歌
自是忘情惟上知此生長抱怨情多

登岳陽樓

湖水平臨夔子國岳陽絕勝濯龍宮樓臺迥出丹霄上
島嶼浮來玉鏡中墨客琴樽渾醉月榜人舟楫若乘空
青蘋風起還能賦不獨蘭臺宋玉工

江上送王悅歸關中

秋風吹冷薜蘿衣客裏逢君賦式微楚水別來浮桂櫂

秦川歸去掩柴扉中天華岳三峯削獨樹關河一葉飛
我有愁心如斷鴈隨君征路向斜暉

送朗上人歸匡廬

浮盃渡海寄行蹤歸去匡廬若箇峰月滿空山行迹遍
心通萬法看經慵蘿深自識雲中寺秋晚遙尋澗底鐘
共有東林蓮社約寒流石上幾時逢

將之三華留別冶城知己

躑躅花開黃鳥吟春城送別柳陰陰故人共洒臨岐淚

送客空懸戀闕心
白髮流年嗟落魄
青山歸夢憶登臨
金溪此去多乘興
不似看花醉故林

賦得垂楊送客

客路垂楊最有情
暖風吹綠漸冥冥
雨深煬帝宮前見
月落桓伊笛裏聽
葉暗乍堪藏乳燕
花飛終恨化浮萍
公攜欲折長條贈
愁絕河橋酒幔青

歸冶城尋群公追餞至江心亭

梅風初熟布帆歸
相送勞君到翠微
遠樹啼鶯留客醉

高林深竹見僧稀
江心絕島晴浮出
雨外孤雲濕倦飛
野鳥白鷗如有待
想應知我拂朝衣

送僧遊蜀

蜀道客蹇不易攀
浮雲蹤跡去如閒
畏途棧倚天邊樹
舊寺門扃海上山
暝猿峽裏焚香宿
暮雪城中乞食還
岐路送師多感慨
朝簪未擲復何顏

秋夜送王廣文還延平

詩客飄飄劍上來
玉壺清酒為君開
梧桐一葉秋聲早

河漢三星曉漏催
滄海別來頻積夢
青山歸去且銜盃
蒼蠅未必能沾玉
莫把丹心變死灰

吳航送鄭二之海上

百年相見幾悲歡
久客移家欲別難
海路雲山天際斷
縣城春樹雨中寒
已辭紫禁休魚佩
未築丹丘愧鵷冠
從此一盃分散後
嘯臺明月共誰看

留別高八逸人

野客行歌賦式微
江亭垂柳鷓鴣飛
久從別墅花前醉

卷三
卷逐征鴻雨外歸極浦波光搖去棹晴川柳色滿行衣
冶城亦有同遊侶高唱于今似子稀

天王寺烟蘿洞

寒岩精舍石林東冉冉垂蘿洞穴空宴坐袈裟深杳靄
仙遊環珮小崆峒紅泉雨過花皆落翠篠雲來月不通
掃石焚香頻到此定逢秦世采芝翁

夏日與諸公至絳月蘭若

翠微精舍薜蘿垂磴戶陰陰暑不知青草舊遊苔滿院

白蓮新社雨侵池題詩好是書蕉葉招隱誰同賦桂枝
不向空門休物累下方塵土欲何為

秋江離思圖

粵城衰柳拂金堤雨裏秋襟惜解攜客散江亭聞斷鴈
酒醒沙館候鳴雞楓橋夜冷吳謳起笠澤天寒楚望迷
天路雲山從此別一封愁札為君題

寄高逸人

綠楊影裏勸離盃又見黃花故苑開載酒憶遊棲鶴寺

懷人獨上釣龍臺
雨昏別館疎鐘斷
葉盡空江朔鴈來
近得浮丘書信否
渴心吟望欲生埃

秋夜浦舍人見宿園亭分得天字

南宮飲散動經年
此會羈魂各黯然
霄漢故人誰更在
江潭逐客自堪憐
疎燈細雨開秋宴
落葉驚風攪夜眠
歸去晉陵成遠別
好憑陽鴈望南天

寄王六博士

西鏞城下舊迎逢
兩地心期意萬重
詞客青山題藻句

逐臣滄海寄萍蹤
忘情已覺看花懶
多病真成對酒慵
却憶西齋好明月
相思吟送暮天鐘

高逸人見過園亭分得何字

園亭鳥散掩垂蘿
上客連鑣晚見過
纓冕已捐身外事
玉壺且向醉中歌
鷹風入樹凋秋葉
蚌月流雲度曉河
今夕相逢須盡醉
明朝分手奈君何

送鄭二宣之交州

一曲勞歌酒半醒
嗟君此去泛滄溟
論交自信心如石

避地終悲跡類萍瘴海風濤行處白故山烟雨別來青
冶城亦有同遊侶共向天涯憶聚星

登絳月蘭若憶玄之秀才

離懷觸景易消魂况復尋雲到法園晴雪閉門深竹暝
夕陽鳴磬野藤昏林僧夜語多經梵詞客春遊少屐痕
最憶玄暉羈壁水鳳臺新詠與誰論

首春同周大登冲天臺有懷王六徹鄭二宣黃
一玄林六敏

雲物蒼涼拂曙開，望春吟倚最高臺。
烟和綠野宜歌鳥，雪徹青林尚吐梅。
酒伴分攜龍劍去，山人招隱鶴書來。
升沈榮辱何須問，且縱芳樽坐石苔。

送陳秀才之京

老逢烟景即關情，況復窮秋別友生。
對酒自然堪洒淚，臨流何必濯長纓。
帆開積水風初起，路繞寒山雪乍晴。
璧水鳳麟如子少，珊瑚環佩早登瀛。

桃源清玩

桃源勝邑少風塵更散尋幽學隱淪紅雨亂飄仙洞曉
綠雲深護誦堂春漆園夢蝶應前兆葉縣飛鳧定後身
聞說使君多逸興問津何必武陵人

夕陽

抹野銜山影欲收光浮鴉背去悠悠高城半落催鳴角
遠浦初沈促繫舟幾處閨中闌綉戶何人江上倚朱樓
淒涼獨有咸陽陌芳草相連萬古愁

離雲飄葉卷得天字

杳杳浮雲暝遠天蕭蕭霜葉拂離筵半空映日飄還散
萬里隨風去復連高擁片帆凝曉色長侵野徑入寒烟
送君對此難為別無限傷心滿目前

題瀟湘烟雨圖

淋漓元氣楚天秋湘浦琅玕翠欲流粉節娟娟含雨長
烟梢隱隱拂雲稠醉中卧聽寒聲遠吟裏看連暮色浮
玉輦不知何處去蒼梧渺渺使人愁

夏夜懷故人

金匱要略卷之三
空齋不寐夜初分獨坐淒然憶故人山霧滿庭空翠濕
石牀當戶月華新竹窻把酒知何日樵徑攜筇又幾春
唯有別時芳草色閉門相對碧如茵

南浦綠波

溶溶漾漾際沙汀烟樹寒蕪秘遠青萬頃流光涵玉宇
一帆夾氣動文星飛禽浴鷺翻晴色落盡浮花送晚馨
明日相思來別處徘徊照影悵伶仃

汨羅懷古

獨向芳辰上綵舟長天落日思悠悠千年詞賦名猶在
一代英雄事已休每挹孤忠天地老空餘陳迹古今愁
蒲樽更欲風前醉長笛數聲鳴遠洲

綠陰啼鳥

日上高林宿雨晴綠陰深處一禽鳴落紅塵外偏多恨
遠翠梢頭更有情繡倦玉窻閒處巧酒停芳席聽來輕
繁絃急管空撩亂白髮梨園按未成

溪山真樂

何處名山澹碧滋一溪新綠動晴漪移居未傍龐公宅
遠道空歌陶令詞鶯囀柳間春色淺鷗翻沙外夕陽遲
囂塵何事難拋擲苦把閒身向俗縻

弔黃祥

欲見高人不可期空堂素幙淚先垂游絲捲雨閒芳榭
雜蔓侵階卧藥籬月冷秋波魂去遠雲霾春塚魄來遲
片邊閒却時懸榻無復清容見小池

送天使蔣二回朝復命

鞍馬迢迢入帝京，共瞻使節出孤城。
帆分秋色南天晚，人沐恩波北海傾。
奏對九重丹漢近，逶迤萬里大鵬輕。
懸知朝罷從容日，更述民風頌治平。

老卒還田里

蚤從玉帳出邊關，雪鬢垂絲喜得還。
銳氣暗隨秋色盡，老情翻樂故園閒。
戰場尚記歸時路，村逕猶依舊日山。
留得少年長劒在，壁間懸却獨頻看。

詠古墓

何代淒涼土一丘蓬蒿馬鬣幾春秋斷碑無字埋青草
古逕侵田繞碧流山鳥似啼依枳棘野烟如暝鎖松楸
當年懸劔今何在空使來人起暮愁

題淮甸歸耕圖

回首吳天海嶠迂綵舟斜日過姑蘇劔歌聊復傳鸚鵡
座客誰為唱鷓鴣錦樹連雲侵甸麥素潮湧月動檣烏
固陵春色還應好聞道田園總未蕪

寄蕭四上舍

柳色千條過一春相思兩地正愁人乍辭簪組成飄泊
甘向林泉學隱淪錦字不來勞曉夢玉琴無意染芳塵
飛花日日隨流水好把金樽到手頻

錦江春色

天際雪消春水來融融春色錦江開洪濤洶湧翻晴日
駭浪奔騰噴怒雷三月魚龍多變化百年舟楫幾傾催
誰知大禹當年力惆悵臨風酌一盃

月夜登臺

金史卷之三
卷三
高臺突兀五雲頭風捲笙歌徹夜流玉兔初生銀漢影
桂花先報廣寒秋夢飛弱水三千里興入仙家十二樓
只恐酒醒滄海變笛聲孤起古今愁

歌風臺

漢祖龍飛竟不回巍巍臺榭倚天開霸圖寂寞終塵土
王氣消沈向草萊無復故人同擊筑空如野客獨銜盃
于今六合為家日颯颯悲風故樹隈

送李通守歸鍾上

二首

攬轡咨詢出劔津
飄飄錦服拂芳塵
官亭貰酒逢詩客
山徑尋梅問野人
紫案鳴琴常對晚
黃堂判筆每生春
懸知歸去多餘暇
好寫清吟為寄頻

其二

共看少府歷山城
駐馬西鏞第幾程
海嶠遙連閩嶠紫
昭潭曾似劔潭清
半簾月色供詩句
一路梅花遣官情
明日咨詢歸去後
定將嘉績達宸京

寓秦淮寄冶城知己

金史四庫全書
卷三
萍蹤無蒂數分攜海國羈魂易慘悽千里歸心逢臘盡
亂山殘雪望鄉迷荒村落葉渾成雨極浦寒潮亦到溪
遙想石橋梅發處何由縮地一攀躋

秋江離別

聽我離筵把酒吟我吟都是別情深鱸魚忽動三秋興
海鶴空懸萬里心曉甸波光槐樹碧夕陽鴈影越山陰
明時正好崇勲業底事年來喜擲簪

秋日同諸公至治師房

洽公蘭若宿雲陰上客何頻此盍簪幔捲雲山邀逸興
樓標霜月喻禪心空階雨過閒花發絕磴風來落葉深
今夜上方期共宿一燈竹裏對君吟

送惠師歸東山別業

遠公飛錫出人寰別築精藍俯碧灣啼鳥不離階下樹
閒雲長護檻前山燈懸靜室觀身悟屐響空林送客還
借問松醪何日熟會須乘月到禪關

賈誼宅

聞君放逐此淹留獻納空懸漢室憂舊宅獨臨湘水遠
遺文曾弔屈原愁青楓極浦烟光晚白鳥空江樹影秋
西望不堪懷古意欲因歸去卧滄洲

雪峰寺

微霜落葉度關河古寺清秋掩薜蘿輕策獨隨飛鳥去
好山偏向夕陽過三花祇苑逢僧少獨樹空臺積雨多
却憶朋簪耽勝事下方塵世易蹉跎

江上書懷呈林八瑾

昔年曾共醉蘭舟
明月閒情憶舊遊
獨客荒村空向暮
異鄉多病厭逢秋
殘烟野戍聞寒笛
落日楓林見驛樓
為報別來憔悴盡
謾因尊酒更消憂

山中即事

少年書劍愧蹉跎
舊業空山掩碧蘿
看竹暫忘塵外事
逢人多向雪中過
乞歸故國青霄遠
卧病閒門白髮多
別去若尋林處士
後時相望一高歌

懷友人陳三源

浮雲聚散幾悲歡久客懷歸憶萬安門對西山朝氣爽
城臨東海暮潮寒身隨斷鴈兼秋遠夢入疎砧向夜闌
為問松蘿舊遊處別來花月共誰看

寄汪知已

客身飄泊類浮萍塵世風波夢亦驚千里青山違故邑
十年白髮戍邊城王門獻策今時寵孔徑看花舊日情
魚鴈不辭雲海闊謾勞尺牘慰平生

釣龍臺

逐鹿屠龍事渺茫空臺依舊枕崇岡衣冠神禹傳苗裔
風壤宗周列職方南粵雲來螺浦白東甌天接虎門蒼
登臨送別兼懷古不惜狂吟倒玉觴

詠得攀楊柳寄故人胡大

東風吹綠正依依欲折長條愧別離蘇小門前人散後
霸陵橋上燕來時飛花蕩漾隨征棹亂葉飄飄泛酒旗
只恐化萍春又去好將一曲寄相思

寄鄭二宣

旅憩高吟送曉鐘
深懷野客寄行蹤
南登遠道憑歸鴈
舊隱空山憶卧龍
蘿桂同心愁獨住
鶯花異日興偏慵
遙知別去多詞賦
料得顛書也獨攻

寄高逸人

千里懷君積夢中
南宮侍從忝余同
荒居懶病看花盡
舊事驚心向酒空
苑樹月來依宿鳥
海天春去見飛鴻
懸知相望無由達
此會令人意不窮

酬王一玄諸友過訪

故人問病到山村美酒香茶慰討論
賈誼有才匡漢室
梁鴻無策謁侯門
江田未熟晴蕪長
館樹新涼夕鳥喧
暫得相逢須盡興
醉來分散已黃昏

壽胡逸人

碧榕深處鎖烟霞
銀燭華筵景物賒
石室天香聞杜若
玉缸春酒泛胡麻
暫輸滄海心猶在
久著青囊髮未華
從此自緣方外趣
不須勾漏問丹砂

觀趙龍虎習兵

卷三
聖代雄藩尚練兵將軍意氣重橫行登壇久論安邊計
倚劔平臨近海城玉帳鳴笳通遠戍青絲歸騎出連營
懸知漢主垂思慮始信票姚獨美名

夕陽孤棹

梨葉青春草齊南天相送夕陽低看雲海國同誰醉
倚棹江亭又解攜畚耒未收行客飲蠻烟初散曙鴉啼
孤蓬回首知何處莫動哀吟易慘悽

懷浦舍人長源

祖筵相送槿花時
江上逢春感別離
詞客登臨芳草變
鄉山吟望尺書遲
鶯聲吳苑行人度
海色官船暝柳垂
最憶玉門聽曙漏
思君閒夜益淒其

懷南宮趙大叔度

悲歌對酒強成懽
三十窮經尚考槃
楚水逐臣空作賦
淮陰年少獨登壇
青山官舍疎鐘晚
黃鳥蕪城暮雨寒
料得西鏞多勝事
凌霄明月憶同看

送楊紫庭之京

金八八八八八
卷三
津亭送客柳陰陰把袂長歌念盍簪此去雲霄休恨別
舊遊江海寄愁心挂帆淮月鄉山近策馬吳關驛路深
明日知君相憶處鳳臺登眺與誰吟

送王一之京

楊柳青春草齊官亭客散夕陽西歸心正逐孤帆去
離思偏驚匹馬嘶雨歇聽鐘精舍近月明聞梵枕峰低
那堪吟望空梁夢遙憶清芬滿劍溪

送友之京

翩翩驛騎拂青絲
斗酒城陰醉莫辭
別路遠從雲外去
論文誰向雪中期
寸心冉冉懷丹闕
雙珮鏘鏘拜赤墀
遙想朝回春更早
好音還慰倚門思

送池王二友歸劍鐔二首

竹枝歌罷早潮平
把酒離筵感別情
年少常懷郝詵第
才華獨羨馬卿名
鐔津柳色迎歸棹
螺渚鶯聲送客程
良會未窮分散去
好題飛札到岩扃

其二

卧病丘園感越吟對君離思忽驚心琴樽何意成寥落
纓冕誰知尚陸沈滄海一身懸北望青山雙淚向南深
須知夢裏還相憶風雨浮亭夜盍簪

送賈文學之京

秋風離思正依依匹馬西行向夕暉別路遠從霄漢去
知君已覺少年稀淮邊落木南天盡江上寒雲北鴈飛
鳳闕朝回春更好為題尺牘到岩扉

賦得羅浮山送人之任

陶令之官瘴海濱
羅浮勝境昔曾聞
飛來島嶼丹青合
畫裏樓臺紫翠分
曲澗花深常帶雨
龍川水暖欲生雲
別離已是春風後
那得梅花折贈君

浮亭夜集寄華故人

南亭高館薜蘿深
此夜思君萬里心
鄉國舊遊多怨別
雲山何處獨登臨
寒蕪落鴈天低樹
野戍平沙燒隔林
尊酒相逢還寄意
也應知我一沾襟

月夜會林南宮聞李生彈箏

浮亭簪盞醉吟逢高調鳴箏此夜同月隱青絲聞亂葉
霜空瑤柱度飛鴻湘靈錦瑟愁停鼓子晉鸞笙愧未工
況有周郎歌白雪興來那放酒樽空

浮亭夜集

縱酒閒亭歌復悲那堪春草思離離朱門按劍誰先達
滄海論心愧後期郭裏鶯聲鶯雨歇津邊柳色向坡垂
題詩寄遠無持贈偏憶追陪到習池

浮亭夜集贈黃二

江淮千里久思君
高館相逢興不群
孤燭青燈人共醉
澹河疎雨夜初分
心懷慷慨空悲梗
世事飄飄祇似雲
良會未窮簪盞意
莫因歸興又紛紛

送仲彬胡公之荆南

華館清談酒未醺
春風送客又離群
高堂念別情先切
把袂同心跡暫分
征旆還辭閨嶠月
布帆輕颺楚江雲
懸知別後空梁夢
應有新詩最憶君

送人之京

江亭客散斂餘暉，忽聽離歌淚滿衣。
滄海驚蓬浮世在，青春得桂少年稀。
梅邊飛雪行人度，雨外空江去鴈微。
明到長安春更好，五陵花柳正依依。

送人之海南

殷勤斗酒送君行，一曲驪駒對粵城。
秋草愁心同北望，夕陽去路獨南征。
寒山月落青楓晚，野戍霜空白鴈晴。
年少功名應苦節，臨流未可濯長纓。

送林一歸山中

棟花雨裏醉逢迎
南國看山又送行
求侶暗驚春草色
還家愁逐暮江聲
殘陽向野聞邊笛
遠樹登樓見海城
誰念長沙遷謫久
懶從李卜問君平

洽公房送林敏

珠宮客到夕陽時
西望鄉園欲淚垂
芳草不堪多卧病
青山何事又分離
高原暮火行人盡
積雨長天去鴈遲
暫醉一盃乘興地
對君誰復憶淒其

送余司馬歸晉中

驄馬朝來欲渡河官城把袂惜蹉跎
滄洲舊業驚蓬斷白馬流年倚劍過
梨葉烟村行客少鷓鴣陵苑夕陽多
天涯相憶知何處空有愁心對酒歌

送逸人之嶺南

把酒離筵江上青水亭客散雨冥冥
心懷遠道頻看劍跡向南天祇類萍
孤驛城頭晴見樹片帆海上夜浮星
知君此去堪乘興何必臨歧涕淚零

送林十一歸山

青門長笛起愁聲
滄海離盃感故情
賓館芟荷清夜語
鄉山砧杵暮秋行
浮雲北去無蹤跡
旅鴈南歸有弟兄
莫歎蹉跎向年少
古人白首尚躬耕

送李安之建安

綠槐宮樹一蟬聲
歧路相看萬里情
對酒謾因愁遠別
臨流還可濯長纓
孤帆夜火洲邊驛
澹月疎星柳外城
遙想溪山更乘興
閒居獨羨子雲名

懷林外史

騷人別去易蹉跎門掩浮亭長薜蘿北闕才名嗟放逐
西鏞親友念經過醉題候館桐花早歸夢鄉山夜雨多
料得登臨多勝事南州詞賦復如何

會林南宮宅懷鄭二

閒吟秋草思無窮却喜親朋此夜同外史閒亭懽對酒
浮丘滄海暗驚蓬疎砧候館空江上遠火人家積雨中
別後深懷書信否天涯愁絕送飛鴻

晚日杉關

荒苔古道斂微曛馬上笳聲不可聞地自亂離民舍少
山當閩楚客程分長林積雨寒為雪深樹孤峰濕作雲
愧我舊遊見闕吏也將書劒學終軍

次鐔津呈董書記

棟花時候憶同遊況復懷君此泊舟千里歸心逢臈盡
幾家落日倚門愁山鐘杳杳前朝寺烟水悠悠古建州
何事相思不相見爾來應被白雲留

與任本立

長河二月柳陰陰客舍看春感越吟和氣不應消白髮
寒灰終未變丹心湘潭鴈去江蘿遠夕照鶯啼谷樹深
共道長卿歸卧病青山應笑又投簪

送馬秀才下第歸江南

嗟君失意賦歸休家在滄洲憶舊遊
灞上柳條牽客悵江南草色向人愁
山城落日寒吹角水國連天夜泊舟
莫歎青春悞年少古來白首未封侯

送客歸江州

悠悠草色醉離樽
送子東歸欲斷魂
洛社分攜孤劍去
潯陽耆舊幾家存
湓江浪白潮通海
楚地山青柳在門
若見別來相識問
風波此日不堪論

送薛居士和州讀書

西風征鴈去翩翩
聞道攜書泛楚船
左氏賦成曾十載
董生帷下又三年
讀書小館山當戶
舊業巢湖水作田
聖代祇今逢掖貴
莫令歲月易流連

送人入蜀

江亭把酒唱離歌
遊子扁舟發汝沱
草色到江知地盡
猿聲入峽覺山多
水流深向荆門出
棧道遙從樹杪過
去去蜀中應計日
相思明日復如何

宿淮浦寄司空文明

思君深夜百憂新
淮浦東頭問去津
千里楚天初度鴈
兩河明月未歸人
從風自歎成黃葉
臨水空思采白蘋
知己飄零有如此
舊遊那復洛陽春

登餘干城

醉向東風覽物華江山誰使後人嗟
蒼烟古壘危三戶白髮遺民更幾家
城上當時誰駐馬雲中落日有啼鴉
登臨莫用懷今古愁絕湖橋酒幔斜

賈誼宅

少年何事到長沙此處翻成謫宦家
地濕楚鄉秋雨後草深甲第夕陽斜
清湘東去人空弔盛世南遷衆所嗟
我亦為君長太息懶將書劒客天涯

早春江上逢兵曹

望君江浦草離離馬上相逢淚欲垂
賦就張衡雖不樂途窮阮籍復何之
山含碧樹鶯啼早雨散江亭客去遲
暫醉一盃乘興地風流莫道昔年時

積雨輞川莊上

短褐山中荷篠時東菑風雨共棲遲
久從野老田間餉深負林僧竹下期
梨葉烟村聞布穀桃花潭水隱鸕鷀
懸知別墅安農意此外餘生空爾為

酬暢當尋嵩山麻道士


少室尋真羨獨經，唯應大道本無形。
龍飛水殿晴驅雨，鶴繞天壇夜禮星。
望氣遠臨關樹紫，看山空對藥爐青。
那應一問烟霞思，願得長遊且駐齡。

答馬秀才

學書學劍事悠悠，況是棲遲未白頭。
顧影夕陽空北望，驚心大火復西流。
亂山背水孤城晚，獨樹臨關一葉秋。
君亦尚為南郡客，徧題尺牘問窮愁。

晚次鄂州

孤城吹角水漫漫近夕波搖舟次灘峽口砧聲江上度
武昌樹色月中看南天渺渺懷人遠北斗蒼蒼向客寒
流落水雲千萬里不知何處是長安



鳴盛集卷三

欽定四庫全書

集部

鳴盛集卷四

詳校官庶吉士_臣李傳熊

中書_臣劉源溥覆勘

總校官庶吉士_臣倉聖脉

校對官中書_臣葉葵

謄錄監生_臣任鑑

欽定四庫全書

鳴盛集卷四

明 林鴻 撰

七言絕句

題方壺墨竹

明月高懸白玉盤
僊人居處近虛寒
一枝鳳尾金風裏
清露時時滴石壇

下山尋朱繼

攜琴載酒遠尋君
石逕人稀日半曛
縱醉也須山上去

莫教閒却半牀雲

寄周隱者

卜築深依野鹿羣
姓名何用世人聞
平生身外無餘物
只有秋山幾片雲

題朱舍人爲史太守寫梧竹

舍人退食寫閒情
公子開槭玉雪清
曾向鳳池同夜直
掖垣梧竹揔秋聲

寄三山舊遊

自憐風月酷吟身十載三山不負春
豈意凌霄臺下路
看花飲酒屬他人

放歸言志

君門乞得此身閒
野樹烟江一櫂還
收拾舊時詩酒伴
遠尋僧舍入秋山

題吳江垂虹橋

雲帆秋晚過垂虹
落日鯨波動遠空
欲借僊家遶海鶴
月明吹笛水晶宮

曉行

前山樹暗月朧朧馬色雞聲共曉風不爲逢秋多感慨
只緣身在別離中

將之海上羣公相餞至龍津

百尺雲帆絳海霞勞君相送到天涯重來應恐清秋晚
落盡清泠桂子花

宿逆旅聞泉聲

練瀑飛空作雨聲樓虛月白旅魂驚相思不道無歸夢

自是離人夢不成

將之鍾城留別冶城諸彦

五首

冬青花外雨霏霏半濕征鞍半濕衣此去孤舟無伴侶
空江惟有白鷗飛

其二

十載吟秋卧翠微三年宦薄日邊歸玉華花鳥應相送
依舊閩南一布衣

其三

知己相攜欲別難
白波春草路漫漫
劍潭誰道無明月
不似清冷把酒看

其四

荔子花開海雨晴
分攜同下越王城
從來送別多愁怨
惟有青山忘却情

其五

舟停桂櫂騎停轅
落日江頭酒一樽
誰道劍溪非遠別
碧波青草摠銷魂

閨女焚香

桂殿焚香酒半醒
露華如水撲銀屏
含情欲訴心中事
羞見牽牛織女星

溪山春曉

香霧濛濛濕翠霞
半簾殘月到仙家
野橋初過鶯聲曉
乍見春溪水漲沙

江亭初夏

依依綠荇動薰風
極浦帆邊望不窮
最愛憑高上江閣

一時清興與誰同

野館秋聲

浙滙寒聲處處疑
空庭寥閨月明時
蕭蕭卧聽生秋思
草木凋零人未知

陰崖雪霽

陰林霧氣曉來分
峭壁寒光射嶺雲
一自投簪歸去後
此身牢落與誰論

題李白問月圖

玉盃問月乾坤窄
綠句吟秋鬼魅愁
千古神遊何處在
若非蓬島即瀛洲

詠懷十二首

女螺江上送蘭橈
長憶春纖折柳條
歸夢不知江路遠
夜深和月到紅橋

其二

驪歌聲斷玉人遙
孤館寒燈伴寂寥
我有相思千點淚
夜深和雨滴紅橋

其三

殘燈暗影別魂消
淚濕鮫人玉線綃
記得雲娥相送處
淡烟斜月過紅橋

其四

素馨花發暗香飄
一朵斜簪近翠翹
寶馬未歸新月上
綠楊影裏倚紅橋

其五

春衫初試淡紅綃
寶鳳搔頭玉步搖
長記看燈三五夜

七香車子度紅橋

其六

溶溶春水漾瓊瑤兩岸菰蒲長綠苗幾度踏青歸去晚
却從燈火認紅橋

其七

一襟離恨暗魂消間却鳴鸞白玉簫燕子不來春事晚
數株楊柳暗紅橋

其八

傷春雨淚濕鮫綃別雁離鴻去影遙流水落花多少恨
日斜無語立紅橋

其九

綺窓別後玉人遙濃睡纔醒酒未消日午捲簾風力軟
落花飛絮滿紅橋

其十

三千客路動行鑣遠別歸來興欲飄祇恐鳳樓人待久
玉鞭催馬上紅橋

其十一

玉階深露滴芭蕉獨倚屏山望斗杓爲惜碧波明月色
鳳頭鞋子步紅橋

其十二

雲娥酷似董妖嬈每到春來恨未消誰道蓬山天樣遠
畫闌咫尺是紅橋

挽沙陽朱氏

九首

青樓十二敞銀屏長記生前幾醉醒今日重來人不見

七峰猶似黛眉青

其二

珠沉玉殞兩茫茫十里溪流與恨長
依舊春山花似綺不知何處瘞蘭香

其三

二十年來一夢歸楚臺秦館事應非
春魂想化西園蝶猶向碧桃花下飛

其四

綠楊兩葉想眉顰誰寫新詩詠性真一自朱樓人去後
鶯花不似舊時春

其五

玉露幽蘭憶淚泣殞宮幽暗夜如年空餘舊日香奩句
一度悲吟一悵然

其六

青鸞影斷香難回暝掩紅顏向夜臺可惜玉樓空鵲鏡
也隨羅綺葬寒灰

其七

舞袖何年化作雲
玉簫聲斷鳳離羣
春風似惜泉宮恨
片片吹花落古墳

其八

蘭銷桂蠹雨初晴
寂寂泉宮夜不明
聞說七峰山下水
至今流恨也吞聲

其九

柳臺花榭寄塵踪
名籍蓬萊第幾宮
晚出人間風露表

佩聲夜夜響瑤空

綠楊燕

二首

上國繁華畫裏看
綠楊紫燕鬪春闌
金河堤上朝回路
最是飛花撲玉鞍

其二

千株積翠濃如墨
兩岸繁華事已非
殘燕不知春已去
斜風細雨故飛飛

題宋故宮御屏芍藥

雨暈霞綃粉繪香品流應得亞花王
五侯池館春如夢
無復繁華似洛陽

題竹 二首

醉墨淋漓濕未乾
拂雲雙玉倚秋看
別來嶰谷空林月
幾度淒涼遂裏寒

其二

南山野老種琅玕
錦籜初翻烟雨寒
盡是伶倫裁鳳管
芸窓留得一枝看

畫松

長風蕭颯起毫端
雪幹蒼蒼幾歲寒
黑入太陰雲雨合
就中疑是老龍蟠

畫竹

玉節娟娟老雪霜
蒼梢勢欲拂雲長
南風昨夜吹烟霧
添得虛堂六月涼

弔屈原

汨羅東去水滔滔
弔古臨流誦楚騷
千載獨醒惟有子

古今醉死盡英豪

歲暮別友

筆硯相從又一年
今晨判袂各紛然
臨歧不用嗟離別
明德相期貴勉旃

題小景圖

林木疎疎小徑分
石泉嵐氣絕塵紛
抱琴野客歸何處
閒却松窓半榻雲

蘓武嚼雪圖

誓與匈奴不共餐
暫將瓊雪慰摧殘
寄言漢主加調膳
一片丹心想不寒

古劍

歐冶何年百鍊成
深藏石匣隱豐城
終當化作神龍去
不逐羣雄事戰爭

荷錢

田田翠蓋點清漪
非範非模迥出奇
自是天工陶鑄巧
一番清富屬馮夷

苔錢

莓苔雨過似錢勻萬點沿階翠
暈新陶鑄每憑風雨力
似憐野客太清貧

題鄭昭甫寫張騫乘槎圖

滾滾黃河天上來茂陵底事望蓬萊
早知博望乘槎便
虛築通天百尺臺

初出秣陵賦得二首

生離死別已聲吞淮水東流萬古冤
今夜石頭城下月

何人把酒酌詩魂

其二

豈料明時竟陸沈
終天不泯九泉心
歸魂想逐天邊月
夜夜清冷石上吟

書宗兄懷之信後

遷人西去逐秋風
萬里雲沙路不窮
遙憶清冷諸友伴
雙流血淚望南鴻

寄周生

生事蕭條鷗鳥知春來長憶看花時祇今酒伴俱零落
說著高陽淚便垂

書寄鄭二先輩

粵國佳人歌竹枝吳航歸客不勝悲送君別後秦樓月
尤見清光似昔時

題牧牛圖

綠草萋萋黃犢肥半蓑殘雨卧東陂烟深埜水行人絕
家在寒林月上遲

題梧竹

憶昔空齋獨寢幽，隔窓風雨忽飈飈。
畫中却憶山中夜，不得吟秋便見秋。

題幽蘭圖

蘭葉微紅玉露秋，碧山流水思悠悠。
美人何處空搖珮，見畫相思幾度愁。

題蘭竹圖

楚山湘水亂雲遮，欲往題詩路更賒。
昨夜燈前醉看畫，

雨枝風葉亂橫斜

梨花鸚鵡

梨花開遍遇清明
鸚鵡飛來殺雨晴
半捲湘簾玉堂靜
酒醒相對溢吟情

枇杷山鳥

沉香烟暖碧窓紗
綠柳陰分夏日斜
夢覺只聞鈴索響
不知山鳥啄枇杷

平林歸牧

松林日入烟火生風起時聞長笛聲
灞頭芳草無歸路
騎向清溪沙上行

牧牛睡意

曾隨黃犢卧閒行夢入虛林春草青
爲報南山空扣角
漫漫長夜爲誰醒

書懷

綠蘿吹雨暗青燈門掩寒虫夜夜聲
風景春來倍零落
向人衰柳更含情

送監生

兩袖春風錦綉新
五花驄馬拂輕塵
天顏寵勞殊勲紀
四牡皇華有幾人

對菊詠二首

獨對秋風感客懷
南山舊業半蒿萊
浮生想被微名絆
知得花前醉幾回

澤下秋風五柳稀
葛巾強醉坐東籬
花間獨照無青眼
今日相看似昔時

口占二首

城上秋風起暮笳燈前有客正思家明朝九日須當醉
幾度能同對菊花

江海年來已倦遊劍南偏喜故人留對牀今夜休聽雨
一滴空階一滴愁

鳳凰臺

昔人從此吹簫去萬古高臺對水流試看舊時明月影
夜深鐘鼓五雲秋

春詞

夢回明月隱銀屏香冷微風動翠綾從此離心無處寫
起來花下拜三星

竹枝詞二首

吳王宮前春水平灞陵橋上柳色青江水不流離恨去
楊花長送遠人行

湖上鴛鴦飛一雙人生最苦去他鄉郎舟撞入荷花裏
引蔓牽絲恨更長

五言絕句

題白蓮

二首

淡月瑤池夜微風
泰華陰翠翻擎雨
蓋玉冷墜波簪

其二

神妃遊洛水照影弄晴暉
明月沉珠珮香風動羽衣

詠草

閉門春雨後芳草上階生
詎知嚴霜月聊復一時榮

流沙江夜泛

登艫日向夕出浦雲已平月黑渡江處北風蘆葦鳴

辭

玄之茂才有公治長之譴素秋云李楚馬遠別
以平昔效言志之學多聞起予李杜文風自茲
索然耳咏河梁之句血淚沾襟聞易水之歌目
皆盡裂古今雖殊慕義慷慨其致一也因效楚
聲以歌不計文理之工綴凡我同志相應同聲
陟彼岐兮夷行擊子劍兮慨慷目送遠兮精神飛揚披

浮雲兮視天茫茫駿骨委絕兮驚駘服箱鸞鳳遠窺兮
鵠鴉翱翔皇鑒不忒兮不臣無將

滄江秋思圖

山蒼蒼兮欲秋水凝波兮不流若有人兮遨遊縱一葦
兮孤舟挾天風兮颼颼喪予懷兮悠悠往者如可作兮
吾將和滄浪之謳

詞

蘓武慢

八首

大塊初分胚胎既孕萬物自然生露馬出於河龜浮自
洛從此人文森布義盡亡言姬文有象斯理亘乎今古
問其中橐籥樞機太極乃羣生之母細看來納納乾
坤漫漫宇宙好類闔扉啟戶六子相磨五行互竭兩曜
不停烏兔道在目前理非身外欲悟幾人能悟待先生
勘破先天披髮騎麟歸去

其二

性水流湍情田不耨堪嘆世人猖獗土鼓風殘結繩政

遠吾道渺如一髮箕帚諱言擾鋤德色厖俗凜乎將輟
樹枯槁喚起機心却笑灌畦之拙孰不知孝本柴愚
學傳參魯天道本無言說克讓克仁飾非飾智方寸要
君分別達則經綸窮乎蓬累到此始稱豪傑有幾人俯
仰無慙浩氣直干雲闕

其三

擾擾勞生飄飄過客天地古今逆旅滄海塵飛南山石
爛烏兔幾時能住埜馬光陰浮漚宇宙何異草頭微露

有幾人了了惺惺識破死生之故 看古來事業功名
榮華富貴畢竟在於何處奔走無休機關未定華屋幾
成墳墓醉裏乾坤間中歲月此是穩行平路倩誰人喚
起莊周斗酒與談玄素

其四

家本儒流身穿逢掖出入義途仁里洞鑒機心冥搜海
岳博得一貧如洗作賦南宮吟詩北苑萬句不如杯水
問先生何苦如斯祇是好之不已 最愛是竹寺秋眠

花樓夜飲醉倒不知天地禮法之徒是非評論看得不
如螻蟻勘破興亡超乎流俗莫怪不營生理吐胸中萬
斛珠璣有幾箇富人能比

其五

歛跡南宮乞骸北闕長嘯掛冠歸去昔日詩笏舊時酒
伴不棄又還相顧綠水林塘青山別墅儘有清遊佳趣
筭從前枉縛微名一夢迨今才寤間來時古寺分茶
隣家看竹任我清狂如故牧犢賡歌漁樵共話著箇埜

人巾屨理亂休聞起居自若一枕水雲山雨問先生此
外何如目送逝波東注

其六

北隴耕雲南溪釣月此是楚人生計山鳥能歌江花解
語無限乾坤生意荷鍾歸來擔簦間眺風景又還光霽
算人生奔走如狂萬事不如沈醉細看來聚蟻功名
戰蝸事業畢竟又成何濟有分林塘無心鍾鼎誓與漁
樵深契石上酒醒竹間茶熟別是水雲風味順吾生素

位而行造化任他兒戲

其七

養就嬰兒孕成姹女一派華池清沼朝飲秦樓暮遊炎
海倒著雨中風帽鏤蘧一聲瑤琴三弄隱隱月高星小
笑梁園物換人非蛺蝶又飛烟草想從前廣漠歸來
崆峒讌罷人世幾經昏曉瑤草長春玄珠不夜前後紫
鸞飛繞生死如休榮枯似夢欲了幾人能了指白雲深
處吾廬無數野花啼鳥

其八

萬古憑高一聲長嘯勘破古人公案讓本陶唐征於湯
武不過授賢治亂姬運東衰夷氛北漲赤子可嗟塗炭
善桓文烈烈轟轟傾厦賴乎支幹爭奈何戰國紛紛
羸秦擾擾元氣等閒飄散謙讓未遑詩書安事吾道厄
於炎漢陋矣河汾賢哉濂洛再整殘編斷簡倘若非奎
壁光輝長夜幾時能旦

滿庭芳

錢塘舟中述懷

小雨催寒輕烟弄晚空江一望模糊片帆東去誰念旅
懷孤寒雁連翔欲下還驚起相叫相呼栖泊處擁蓬欹
枕清夢繞菰蒲還思行樂處有高陽酒侶洛浦嬌姝
空贏得半生酒困詩癯不道年來憔悴但顧影冷笑微
吁螺江上天公還肯容我釣鱸魚

念奴嬌

咏雁

登臨送目正木落衡臯水寒相渚碧海青天三萬里望
斷驚弦弱羽字寫璇空陣橫紫塞夢入黃蘆雨錦箋一

剗漫留別後愁語 空江水碧沙明閒情誰與其晚汀
鷗鷺二十五絃彈古恨逐伴又還飛去仙掌月明長門
燈暗多少悲涼處千秋哀怨祇今猶遶簫柱

玉漏遲

記紅橋故人春遊

驚鴉翻暗葉桐花墜露曲房新曉蠟炬香籠準備惜花
起早翠沼凝脂冰活呵素手襯粧初了香徑小水溶溶
波暖正宜臨眺 誰信造物無私偏付與容華稱顰宜
笑更放花朝日日霽多陰少不惜千金費盡但惜取數

峰殘照歸騎杳縱醉宜眠芳草

青玉案

釣臺遇雪


桐江倚櫂蒹葭暝怪倦枕朝寒勁拂曙掀篷銀萬頃犯
星人去清風名在尚想羊裘冷簪纓悞我山林興幸
喚醒槐安塵夢境烟浪迢迢歸路永汲江燃竹買魚沽
酒沈醉休教醒

臨江仙

秋登平遠臺

身是金門簪筆吏天教未老歸來秋風扶醉上層臺百

年清夢醒萬里壯懷開
看取古人何事業一杯黃土
蒼苔間身差健且銜杯夕陽漁
遂送寒色雁書催



鳴盛集卷四

鳴盛集附錄

賦

椰子賦

余嘗駕蒼虬乘虛舟登蓬萊之三山遊海外之四州思
金莖之玉露沁枯腸而消憂有一黎叟怡然謂子曰遐
荒之遊樂乎吾遺子以消渴之物形礪礪而味珍羞名
為椰子欲之易求乃翩翩而特立聳喬樹於荒丘孤高
挺出劍葉翦鬱標危榦而叅天揭金莖之翠峯厯四序

而不彫飽風烟而秀實若乃瘴海春霽蠻溪秋晴煖氣
新煦炎風不蒸膏雨方潤涼露乍零初蓓蕾而凝苞漸
纍垂而懸罌及夫鐵殼將堅匪方匪稜猶混沌之未判
疑殼漏之乍盈繫風氣之所產乃渾然而天成至於長
梯摘鮮玉盤薦美霜刃剖箕山之剛瓢紫胞露雲英之
玉髓裂瓊肌之纖紛璽甘露其下醺啖盈几之春冰掬
一泓之清泚啜山茗而細嚼覺餘香而遠齒至若炎景
流金隆暑若熬體欲倦而少休汗承并而沾髦可以當

乎醴泉可以比於松醪快煩襟之一滌勝涼州之葡萄
張公大谷之梨不足以喻其味梁侯烏棓之柿不足以
並其膏其為鄰也則有羅浮之丹荔其同類也惟讓尚
方之胡桃維知遐壤之異品尤邁中州之佳肴類方物
而入貢堪與橘柚而同包叟言已而告去徬兀然而禪
逃余曰昔者成周不貴異物服食器用土貢無失珍禽
奇獸是獻俱絕所寶惟賢遐邇盡悅矧茲微物筐篚敢
匹叟謝不敏其容有怩棄予欲辭疾而趨出

檳榔賦

世有異物產於炎方既堅且實名曰檳榔挺根株之特
達抽枝幹之芬芳披烟雲於海島霑雨露於遐荒體團
圓而如玉質文采而有章落冰刀之雪白起柔殼之丹
黃味兼灰薑之美液凝齒頰之香豈中華之所尚實南
海而見嘗迺椰子之是類與荳蔻而同鄉其生也匪桃
李之礪硯其熟也若橘柚之焜煌嚼之則吐紅而點地
吞之則流汗而成漿無琳無琅非璧非璋花先月挂葉

似枕椰狼蠻以之而為至禮珠崖以之而為至良至若
瘴烟乍斂海天微涼雕題黑齒蜚髻黎裳莫不奔走興
販摘曝盈倉或肩挑而背負或舟載而車裝於以定婚
禮於以先酒觴於以獻賓客於以充廟堂是皆風土之
誇羨日日喜啖而不可忘也乃拜手稽首復為之歌曰
瓊山高兮如屏瓊海流兮有聲檳榔生兮滿林妙結實
兮為祥為禎再歌曰瓊山青兮戢戢瓊海流兮波波檳
榔生兮孔多為禎為祥兮千秋不磨

三十三

四

鳴盛集後序

膳部員外郎子羽林先生吾閩善賦者之巨擘也國朝詩派起於先生當時若鄭孟宣黃玄之周又玄高廷禮林伯璟漢孟輩號稱十才子皆出於其門嗣是流於王皆山及中美孟揚陳仲完鄭公啟張友謙趙景哲諸公繩繩繼繼尤不乏人是皆先生殘膏賸馥沾溉後來者益多矣惜乎其詩集所存者遺編斷簡字多魯魚亥豕之失爲可恨耳余自出守東甌每於聽政之暇覽其舊

稿慨然興思因詳加校勘補其闕略繕寫成編乃捐已俸召工鋟梓以傳嗟夫詩豈易言哉五常之精萬象之靈不能自形於言必委精萃靈於英偉奇傑之士以煥發焉刪定而下楚人之騷漢晉之選唐之李杜韋柳宋之歐梅蘓黃元之范楊虞揭真萬世之衡軸也迨至於今作者愈盛觀先生之詩知先生之所蓄富矣其吐辭流麗春日煦而百卉鬬妍也造語清奇秋雨霽而羣峰壁立也氣焰鋪張武庫宏開而劍戟光芒也句法豪蕩

洪濤洶湧而魚龍出沒也融情於景物之中托思於風
雲之表寓意命辭兼得其妙讀之使人感發而興起非
偉傑之士其能致然與予同郡人也藐焉晚出不及見
先生之儀容而親炙之獨賴斯集之存諷詠撫摩庶幾
可以私淑而彷彿其一二也謹述先生詩學相傳之懿
僭書於末簡云時成化三年丁亥五月蒲節賜進士出
身中憲大夫浙江溫州府知府邵銅序

